

rum præsentia. Quo & facere potest contactus digitorum, dum vel externe aliqua partes adveniunt vel sensibiles & insensibiles intro foras expirantes poris & superficiæ adherent. Tertium impedimentum merito ponitur in *Aere*, ejusq; vaporibus & exhalationibus quæ ferro & Magneti, aliisque corporibus labem inducunt; Constant n. partibus variis, acris, corrosivis, humidis etc. Si igitur corpora istis exponuntur, facile concipimus quod ratione suarum partium poros corporum intrent, quoniam v. resistantiam inveniunt, moram necentes subsistunt, & suis partibus acris stamina Ferri & Magnetis corrodunt, quæ partes corrosæ nomine æruginis insigniuntur. A credinem a. hujus effectus causam esse cognosci potest ex præparatione viridis æris. Hæ jam recensitæ causæ sunt maxime obviæ corruptionis *Magnetis*. Ne itaq; talis destructio contingat, Magnetem communiter conservant in limatura ferri.

§. 22. Nunc deniq; ad vim medicam accedo, quam insignem esse multo contendunt. Imprimis a. laudatur Emplastrum Magneticum, in spiculis ferreis intra corpus existentibus extrahendis, cujus descript. vid. *ap. Zwölff. p. 377.* Verum si rem ad accuratius vocem judiciū, invenio, quod virtus extrahendi spicula ferrea tantum imaginaria sit. Requiritur enim ut in præparationibus Medicamentorū illorum virtutes integræ conserventur; jam vero si præparationem hujus Emplastri inspicio, multa gummi offendo, quæ omnia pingvedinem in se continent, quam §. præced. inter causam destruentem retulimus. Accedit adhuc, quod Ignis vehementiam massa hæc subire debeat, quam maxime infensam esse Magneti, quis dubitat? Taceo, quod Magnes in pollinem redactus, omnem suam amittat vim, quæ Ferrum ipsi conjungitur. Si v. aliquā virtutem ipsi adscribere velim, illa similis erit operationi ferri, quod sc. agat absorbendo acidum, & tubulos nimiū apertos constringendo, hinc prodest in malacia, fame canina, etc. morbis. *